

Pelanggan yang Dihormati,

Helaian Penerangan Produk ini direka untuk memberikan anda maklumat penting tentang takaful solar rumah anda.

Pelanggan lain telah membaca PDS Helaian Penerangan Produk ini dan mendapati ia membantu; **anda harus membacanya juga.**

Tarikh: 1 Januari 2026

1 Apakah itu Takaful myHome Solar?

Takaful myHome Solar menyediakan perlindungan terhadap kerugian atau kerosakan pada sistem solar Fotovoltaic (*Photovoltaic, PV*) anda yang dipasang di bumbung rumah kediaman persendirian, atau mana-mana bahagiannya yang digunakan khusus untuk tujuan kediaman.

Konsep Syariah yang Diguna Pakai:

- **Hibah** merujuk kepada pemindahan hak milik atas satu aset dari penderma kepada penerima tanpa sebarang balasan. Manfaat yang dibayar dari Dana Takaful Am (DTA) adalah berdasarkan Hibah.
- **Ju'alah** merujuk kepada kontrak di mana satu pihak menawarkan ganjaran tertentu kepada pihak lain yang berjaya mencapai hasil yang telah ditetapkan. Peserta membenarkan Syarikat Takaful Malaysia Am Berhad (Takaful Malaysia) untuk menerima sebahagian daripada lebihan boleh agih daripada DTA sebagai insentif prestasi.
- **Qard** merujuk kepada kontrak pemberian pinjaman wang oleh pemberi pinjaman kepada peminjam di mana peminjam itu perlu membayar balik jumlah yang setara kepada pemberi pinjaman. Takaful Malaysia akan meminjamkan sejumlah wang kepada DTA tanpa faedah sekiranya DTA mengalami defisit.
- **Tabarru'** bermaksud derma untuk tujuan kebajikan. Peserta menderma sebahagian sumbangan kepada DTA untuk membantu peserta lain.
- **Wakalah** merujuk kepada kontrak di mana satu pihak, sebagai prinsipal memberi kuasa kepada satu pihak yang lain sebagai wakilnya untuk melaksanakan tugas tertentu dalam hal-hal yang boleh diwakilkan, dengan atau tanpa mengenakan upah. Peserta memberi kuasa kepada Takaful Malaysia untuk menguruskan DTA dan sebagai balasannya, Takaful Malaysia akan menerima yuran Wakalah.

2 Ketahui Perlindungan Anda

Sebagai ilustrasi, dengan bayaran sebanyak **RM482.27** setahun (untuk Pelan 5, Kelas Pembinaan 1), anda akan menerima **perlindungan** asas sijil takaful solar rumah seperti berikut:

Sijil asas ini **melindungi**:

Manfaat	Jumlah Perlindungan (RM)
Semua risiko	100,000
Kehilangan kos penjimatan elektrik:	
• Sebulan, sehingga	1,500
• Sehingga 6 bulan	9,000
(Lebihan masa: 24 jam)	
Liabiliti awam	50,000

Sijil ini **mengecualikan**:

- Kehilangan atau kerosakan di mana pengeluar peralatan asal, pembekal, kontraktor atau pembaiki yang bertanggungjawab sama ada mengikut undang-undang atau kontrak;
- Haus dan lusuh, kemerosotan, susut nilai, sebarang proses pembersihan/pewarnaan, pembaikan atau pemulihan;
- Kerosakan atau kecacatan mekanikal;
- Peperangan, pencerobohan, serangan musuh asing, permusuhan atau sebarang tindakan keganasan;
- Senjata nuklear atau pengionan radiasi atau pencemaran; dan/atau
- Kerugian atau kerosakan berbangkit daripada apa jua keadaan.

Nota: Senarai ini **tidak menyeluruh**. Sila rujuk sijil untuk senarai penuh pengecualian yang terdapat di bawah sijil ini.

Tempoh perlindungan adalah selama setahun. Anda perlu memperbaharui sijil anda setiap tahun.

Jika anda mempunyai sebarang pertanyaan atau memerlukan bantuan berkaitan takaful solar rumah, anda boleh:



Hubungi kami di:
1-300 88 252 385



Layari kami di:
www.takaful-malaysia.com.my/products/takaful-myhome-solar/



E-mel kami di:
csu@takaful-malaysia.com.my

3 Ketahui Tanggungjawab Anda

Untuk takaful solar rumah ini, anda perlu membayar sumbangan takaful sebanyak:

Perlindungan Asas	RM482.27 setahun
Perlindungan Tambahan	Tidak berkenaan
Jumlah sumbangan takaful	RM482.27 setahun

Anda juga perlu membayar yuran dan caj berikut:

Yuran Wakalah (sebahagian daripada jumlah sumbangan takaful RM482.27)	60% daripada jumlah sumbangan takaful atau RM289.36 : • Komisen 25% daripada jumlah sumbangan takaful atau RM120.57 • Perbelanjaan Pengurusan 35% daripada jumlah sumbangan takaful atau RM168.79
Duti Setem	RM10.00 Duti setem untuk sumbangan yang tidak melebihi RM150.00 dikecualikan sehingga 31/12/2028.
Caj lain yang dikenakan	8% Cukai Perkhidmatan atau RM38.58
Jumlah sumbangan takaful yang perlu anda bayar	RM530.85

4 Syarat Utama Lain

- Anda mesti memberikan maklumat yang lengkap dan tepat semasa membuat permohonan.
- Anda mesti mendedahkan semua fakta penting seperti jenis binaan rumah dan aktiviti peribadi anda.
- Produk ini tidak melindungi sebarang sistem solar PV yang dipasang lebih dari sepuluh (10) tahun.
- Menjadi syarat terdahulu kepada liabiliti bahawa peserta hendaklah, atas perbelanjaannya sendiri, mengambil semua langkah berjaga-jaga yang munasabah serta mematuhi semua pemeriksaan penyelenggaraan berjadual yang dicadangkan dan/atau diperlukan oleh pengeluar peralatan asal.
- Pemberitahuan bertulis mengenai sebarang kejadian yang berkemungkinan menimbulkan tuntutan perlu dikemukakan kepada kami secepat mungkin dan dalam apa jua keadaan tidak lewat daripada 14-30 hari selepas kemalangan.

Nota: Senarai di atas **tidak menyeluruh**. Sila rujuk kepada sijil untuk senarai penuh terma dan syarat di bawah sijil ini.

? Boleh saya membatalkan sijil saya?

Boleh. Anda boleh membatalkan sijil anda pada bila-bila masa dengan memberi notis bertulis kepada Unit Khidmat Pelanggan (CSU) kami melalui e-mel, dengan mengunjungi mana-mana Takaful myCare Centres (TMCC) atau ejen yang sah, atau melalui portal [myTakaful Customer](#). Selepas pembatalan, anda layak mendapat pemulangan secara pro-rata daripada sumbangan dengan syarat anda tidak membuat sebarang tuntutan. Tiada yuran pembatalan akan dikenakan.

Syarikat Takaful Malaysia Am Berhad [201701032316 (1246486-D)] adalah dilesenkan di bawah Akta Perkhidmatan Kewangan Islam 2013 dan diselia oleh Bank Negara Malaysia.

MANFAAT-MANFAAT YANG DIBAYAR DI BAWAH PRODUK YANG LAYAK ADALAH DILINDUNGI OLEH PERBADANAN INSURANS DEPOSIT MALAYSIA (PIDM) SEHINGGA HAD PERLINDUNGAN. SILA RUJUK BROSUR SISTEM PERLINDUNGAN MANFAAT TAKAFUL DAN INSURANS (TIPS) PIDM ATAU HUBUNGI TAKAFUL MALAYSIA ATAU PIDM (LAYARI WWW.PIDM.GOV.MY/MY).